

续文献通考

欽定續文獻通考卷一百十三

樂考

樂歌

遼

遼史樂志曰雅樂歌詞文闕不具

金郊祀樂章

皇帝入中壇宮縣黃鍾宮昌寧之曲

凡步武同

袞服穆穆臨於中壇瞻言圓壇皇皇后帝禋祀肇稱
馨香維德爰暨百神於昭受職

金匱要略卷一百一十三
降神宮縣乾寧之曲仁豐道洽之舞圜鍾爲宮黃鍾
爲角太簇爲徵姑洗爲羽圜鍾三奏黃鍾太簇姑洗
皆一奏詞並同

我金之興皇天錫羨惟神之休爰茲郊見有玉其禮
有牲其薦將受厥明來寧來燕

皇帝盥洗宮縣黃鍾宮昌寧之曲

因天事天惇宗將禮爰飭攸司奉時罍洗挹彼注茲
迺升壇陞先事而虔神勞豈弟

皇帝升壇登歌大呂宮昌寧之曲

相在國南崇崇其趾烝哉皇王惟時蒞止至誠通神
克禋克祀於萬斯年昊天其子

昊天上帝奠玉幣登歌大呂宮洪寧之曲

穆穆君王有嚴有翼佩環鏘然圜壇是陟嘉德升聞

馨非黍稷高明降監百神受職

皇帝祇坤

按史志王圻續通考俱誤作神照史志雅樂條改

寧之曲

肅敬明祇躬行奠饗其饗維何黃琮制幣從祀羣靈
咸秩厥位維皇能饗允集熙事

配位太祖皇帝永寧之曲

肇舉明禋皇天后土皇祖武元爰作神主功昭耆定
歌以大呂綏我思成有秩斯祐

司徒迎俎宮縣黃鍾宮豐寧之曲

穆穆皇皇天子躬祀羣臣相之罔不敬

按王圻續通考作欽止

俎豆畢陳物其嘉矣馨香始升明神燕喜

昊天上帝酌獻登歌大呂宮嘉寧之曲

郊禋展敬昭事上靈太尊在席有配斯馨酌言獻之

靈其醉止福祿來宜以答明祀

皇地祇泰寧之曲

袞服穆穆

王圻續通
元作煌煌

臨彼

史志
作被

泰折於昭神宮埋幣

瘞血爰稱匏爵斟言薦潔方輿常安扶我帝業

配位太祖皇帝燕寧之曲

烝哉高后肇迪丕基功與天合配天以推薦時清旨
孔肅其儀來寧來燕福祿綏之

文舞退武舞進宮縣黃鍾宮咸寧之曲

奉祀郊丘雲門變舞進秉朱干停揮翟羽於昭睿文
復肖聖武無疆維烈天子受祐

亞終獻宮縣黃鍾宮咸寧之曲功成治定之舞

金匱要略卷一百一十三
埽地南郊大神以俟於皇君王

按史志誤作在照克王圻續通考改

禋克祀交於神明元酒陶器誠心精純非貴食味

皇帝飲福登歌大呂宮福寧之曲

所以承天無過乎質天其祐之惟精惟一泰尊爰挹

馨香薦德惠我無疆子孫千億

徹豆登歌大呂宮豐寧之曲

大禮爰陳爲豆孔碩肅肅其容於顯百辟皇靈降監

馨聞在德明禋斯成孚休罔極

送神宮縣園鍾宮乾寧之曲

赫赫上帝臨監禋祀居然來歆昭答祖配園壇四成
神安其位升歌贊送天人悅喜

方丘樂章

迎神鎮靈之曲林鍾宮再奏太簇角再奏姑洗徵再
奏南呂羽再奏詞同

至哉坤儀萬彙資生稱物平施流謙變盈禮修泰折
祭極精誠皇皇靈眷永奠寰瀛
初獻盥洗太簇宮肅靈之曲

禮有五經無先祭禮卽時申虔惟時盥洗品物吉蠲

金匱要略卷一百十三
威儀濟濟錫之純嘏來歆豈弟

初獻升壇應鍾宮肅寧之曲

無疆之德至哉坤元沈潛剛克資生實蕃方丘之儀
惟敬無文神其來思時歆薦殷

初獻奠玉幣太簇宮億寧之曲

禮行方澤文物備舉惟皇地祇昭假來下奠瘞玉帛

按王圻續通考作幣純誠內著神保是享陟降斯祐

司徒奉俎太簇宮豐寧之曲

四階秩儀壇於方澤昭事皇祇卽陰以塘潔肆于啟

孔嘉且碩神其福之如幾如式

正位酌獻太簇宮溥寧之曲

蕩蕩坤德物無不載柔順利貞含弘光大籩豆既陳

按王圻續通考作存據史志改金石斯在四海永寧福祿攸介

配位

太宗也

酌獻太簇宮保寧之曲詞闕

亞終獻升壇太簇宮咸寧之曲

卓彼嘉壇奠玉方澤百神祇肅八音純繹祀事孔明

柔祇感格

按此章不應獨減二句疑史闕之

徹豆應鍾宮豐寧之曲

修理方丘吉蠲是宜籩豆靜嘉登于有司芬芬馨香
來享來儀郊儀將終聲歌徹之

送神林鍾宮鎮寧之曲

因地方丘濟濟多儀樂成八變靈祇格思薦餘徹豆
神貺昭垂億萬斯年永祐丕基

詣望燎位太簇宮肅寧之曲詞同升壇

宗廟樂章

禘祫親饗樂章

皇帝入門宮縣無射宮昌寧之曲

出入步武同

惟時升平禮儀肇興鳴鸞至止穆穆造庭百辟卿士

恪謹迎承恭隸

按二字疑有誤王圻續通考作對越

祖考神宇攸寧

皇帝升殿登歌夾鍾宮昌寧之曲

升降及將還版位皆同登歌

笙鏞既陳罍尊在戶升降有容惟規惟矩恭敬明神

上儀交舉永言保之承天之祜

奏大呂曲一奏太簇

皇帝盥洗宮縣無射宮昌寧之曲

惟水之功潔淨精微洗爵奠斚于德有輝皇皇穆穆

宗廟之威宜其感格福祉交歸

皇帝降階宮縣無射宮昌寧之曲

縣公嘽獻酬卒更

於皇神宮象天清明有來肅肅相維公卿禮儀卒度
君子攸寧孔時孔惠綏我思成

臣等謹案盥洗復位而後迎神此天德三年樂節

至大定中更定詳後朝享

迎神宮縣來寧之曲黃鍾宮二奏大呂角二奏太簇
徵二奏應鍾羽二奏詞同

八音克諧百禮具舉明德惟清至誠永慕神之格思
雲輶風馭來止來臨千祀燕處

司徒引俎宮縣無射宮豐寧之曲

維牲維犧齊明致祠我將我享吉蠲奉之博碩肥腍
神嗜爲宜千秋歆此永綏黔黎

始祖酌獻宮縣無射宮大元之曲
惟酒旣清惟穀旣馨苾芬孝祀在廟之庭羞于皇祖
來燕來寧象功昭德先祖是聽

德皇帝大熙之曲
萬方欣戴鴻業創基瑤源垂裕綿瓞重熙式崇盛祀
爰考成規邊豆有楚益臻皇儀

安皇帝大安之曲

金分紀
卷一百一十三
爰圖造邦戴德其昌皇儀允穆誕集嘉祥明誠昭假
積厚流光祇嚴清廟鍾石琅琅

獻祖大昭之曲

惟聖興邦經始之初鳩民化俗還定攸居迪德純儉
志規遠圖時哉顯祀精誠有孚

昭祖大成之曲

天啟璇源貽慶定基率義爲勇施德爲威耀武拓境
功烈巍巍永昌皇祚均福黔黎

景祖大昌之曲

丕顯鴻烈基緒隆昌聖期誕集邦宇斯張尊嚴廟祏
昭假休祥煌煌縟典億載彌光

世祖大武之安

桓桓伐

按王圻續通考作武照史志改

功天鑒其明惟威震疊惟德

綏寧神策無遺鴻圖以興曾孫孝祀適昭厥成

肅宗大明之曲

於皇神人武烈文謨左右世祖懷柔埽除威震遐邇
化漸蟲魚垂光綿永成帝之孚

穆宗大章之曲

烝哉文祖欽聖弘淵慈愛忠信典冊昭然歆此明祀
繁祉綿綿時純熙矣流慶萬年

康宗大康之曲

惟明惟聽燁燁神功儀型世業昭假上穹持盈孝孫
薦芳斯豐錫我祉福皇化益隆

太祖大定之曲

功超殷周德配唐虞天人協應平統寰區開祥垂裕
肇基永圖明明天子敬承典謨

太宗大惠之曲